

袁中郎先生著

桃花源詠

繡水周氏家藏

桃源詠引

烏程沈灌仲雨撰

桃源靈境袁中郎靈物如中郎
可入桃源源中人尚不知有漢
無論魏晉何暇識中郎面目又

何暇及中郎詩嚮令武陵漁人
鼓吹十九首因之以左建安而
右元熙欵乃沿洄政恐溪老婆
娑失笑何物嬰兒啼將山山紅
葉盡作金篦止不給遑相與謳

而罟諸雖然唯中郎可入桃源
先中郎或紀桃源爲中郎不可
昧桃源世人耳食中郎不如雷
不知衡山頂上雲霧中聞雷正
作嬰兒聲又有一種耳食詩者

鼓吹十九首左建安右元熙而
以點次中郎將不比于拏音嗟
乎政使鷄鳴犬吠亦復在雲中
耳沈郎別中郎來久近得綠蘿
主人惡耗悽然爲念得爾詩不
能讀風雨寒窻忽復一展如坐
對中郎宣梵唄桃花片片落研
席也友人潘景升遂相與謳而
罽之曰當遊仙之引爰授殺青
僊僊乎二靄景升載半去矣

桃源詠跋

往中郎居長安時每向余誇楚州之澧宛如桃花源上儘堪避世余遂從中郎譚寓內勝境如石投水也竟日忘倦客間常從中郎譚詩中郎之爲詩瑜者十居八九而瑕

者亦不能無一二詞家爭賞其瑜而中郎顧自負其瑕余愛中郎之瑕甚於中郎之自愛其瑕也暨中郎請休沐歸楚余亦還吳絕無音耗第傳中郎攄柳浪以自適也心殊妬之遂築垂露亭於斷橋之堤

將藉緋桃綠柳洗濯塵心冀與中郎稱勅敵適遇新安潘景升於亭下出桃源詠四十餘章跡余其詩語翩翩欲僊大脫楚謔猛厲氣習令愁者讀之而快憤者讀之而舒泣途窮悲路岐者讀之如履康莊

而就平陸寧止瘡頭痛已邪與千
年前離騷氏孤憤語各占一奇毋
容觭重余嘗欲遡江漢而作楚游
恐遇上官子蘭輩益增憂讒畏譏
之感今幸有柳浪主人在則披一
簑戴一笠首向漁郎問津者必曹

生矣第綠蘿已萎詞壇寂寞恐中
郎避地轉深不容桃花瓣從谿水
中流出如何如何
萬曆乙巳九月下浣

華亭介人曹蕃題

萬物之已此月不宗

中燕出咬向咬向

波幾世轉采不容對芥蕪筭候木

坐笑萬寐蘇日菱一兩壺寤冥恐中

桃源詠目錄

入德山舟中偕諸衲子居士月中有述

舟中望黃山

中秋偕諸老宿泛舟洞庭

秋夜偕諸老宿坐善卷壇看月偶紀四韻

龍君御載酒過德山見訪一別十三年矣感念

存歿不覺凄然已復自笑舉觥相樂遂大醉

君超邀余過新置山莊莊在翠微中甚幽僻四首

德山遍入諸岩壑

答龍君御見憶之作君御詩云我家德山不得
住故末云云用博一笑次篇聊爲解嘲亦可
作一段公案也 二首

德山聞長嫂去世慟念伯修感而有作 二首

別君超君御兄弟

答君御 四首

九日登高河湫山

夜入桃源縣月中

懷江綠蘿

題桃源縣

入桃花源 四首

穿石

水心崖

桃花源和靖節韻

桃花流水引 十首

托龍君超爲覓仙源隱居詩以寄之

桃源詠目錄終

國家圖書館, NATIONAL CENTRAL LIBRARY, TAIWAN, R.O.C.

袁中郎桃源詠

公安袁宏道中郎甫著
繡水郁嘉慶伯承甫校

入德山舟中偕諸衲子居士月中有述

一帆斜月墮澄川似有人呼鐵笛仙老至青山爲眷
屬生來自社有因緣幽探處處書成卷淨侶年年載
滿船料得浮踪無定止住如竿影去時烟

舟中望黃山

識面三十年登臨纔半次濡雨出層嵐未曾留一字

青山笑主人何事近相易墨潘汗巉岼數盡它家事
主人忽沉想爲君構幽麗兀然三四峰反覆無可記
孱陵一萬家家立生翠倍遠倍高寒淡冶如秋睡
昔我登郡樓微茫見葱髻越三峽而南千里盡平地
見培塿則喜何況發姿媚見色不見山此是山三昧

中秋偕諸老宿泛舟洞庭

匝地雲銷盡平湖絕點青琉璃天子月香水海玉城
怒蛤排帆立神魚掣練行山僧精觀恁一倍發光明
秋夜偕諸老宿坐善卷壇看月偶紀四韻

江月峰頭月清光孰最多稍能增瀲灩終是讓嵯峨
深谷高岩在蒼顏白髮何古來師善卷未必解塵羅
龍君御載酒過德山見訪一別十三年矣感念
存歿不覺淒然已復自笑舉觥相樂遂大醉
十年一瞥意蒼茫話別青山且盡觴免與泡漚愁起
滅聊從烟水決行藏聞吹玉笛翻新曲醉倚天花入
道場試去武陵溪上照頭毛白盡老蕭郎

君超邀余過新置山莊莊在翠微中甚幽僻
掃石移尊去披雲曳杖行岡巒頓轉換郭郭偶生成

溪盡田家出山迴仄路平遠峰稠疊起蒼翠撲軒楹
其二

閑卽攀蘿上倦來枕石眠田廬陰翠壁鷄犬入層烟
竹院通茶戶山鄉近水厓主人心但了勝作苦形仙

其三

買足青山地幽回構屋居暮烟慈竹嶺秋水菊花渠
煉石爲方藥磨嵐寫道書丹砂如就得拔去卽仙廬

其四

閑却層崖道人間了不知漁樵分氏族花果認干支

滴露新梧子叅天老檜枝龍髯曾此去巒壑也堪疑
德山遍入諸岩壑

總被閒驅使登臨也未閒霞光紅漲壁水氣綠浮山
遍入雲岐路熟觀石面顏似曾經眼過想像不知還
答龍君御見憶之作君御詩云我家德山不得
住故末云云用博一笑次篇聊爲解嘲亦可作
一段公案也

雲嵐已異屬間身高下青崖日幾巡看盡德山好烟
水只緣不是武陵人

其二

眼前巒壑任高低身裏尋身却是迷正是武陵溪上
住不須更覓武陵溪

德山聞長嫂去世慟念伯修感而有作

未亡亡去竟何悲腸斷坡公卽世時今日德山峰頂
上吞聲重作哭兄詩

其二

山北山南累亦多愁緣不盡奈他何桃花源正好深深
去又聽人間薤露歌

別君超君御兄弟

青鞋不破武陵春歸去西風一面塵荷葉山頭聞杜

宇

余村有荷葉山

桃花源上別秦人深村稻熟泉當戶廢苑

茶香寺作隣可是無花無地主祇緣無計得分身

答君御

細讀諸什真一曼倩出世也聊復抽毫對使馳
答比于郭舍人亦可乎幸勿令金陵子知也

碧水丹崖不自由無人闌入會仙樓布帆飽趁瀟湘
水幾處青楓黃葉舟

其二

溪鳥溪花盡寄聲，
花源無路只空行。
陶潛老被漁人誤，
枉把青山累後生。

其三

溪流片片疊春沙，
紅樹前頭又一家。
寄語青門種瓜叟，
種瓜先種枕頭瓜。

其四

打疊歌鬟與舞裙，
九芝堂上氣如雲。
無緣得見金門叟，
齒落唇枯黝細君。

九日登高河湫山

高閣俯蒼崖，下有花源路。
料得避秦人，入山從此去。
潭水洗山膚，膚盡紅霞露。
老蛟挾瘦石，千古盤渦怒。
溪山盡漁郎，誰識花流處。
事在青雲新，人去青山故。
挂却茱萸囊，長嘯倚丹樹。

夜入桃源縣月中

深村把菊香，壁影拂船涼。
和月和煙市，金山全水鄉。
高雲排窄路，怒沫響魚梁。
若箇垂綸客，溪頭舊姓黃。

懷江綠蘿

好在青谿曲岩花石乳新空聞流水引不見綠蘿人
明月層層岫烏紗面面塵十年求道侶能不憶仙鄰

題桃源縣

開處雲常至僮來鳥亦隨仙人成邑里烟水作城池
山有容空地溪無不怒時偶然嵐翠起一縣綠離離

入桃花源四首

溪雨濯雲根花林水氣溫睡鸞常守月仙犬欲遮門
綠壁紅霞宅丹砂石髓村人中幾甲子洞裏一黃昏

其二

白頭丫髻子花裏去如仙鳥哢雲霞柵人耕芝朮田
庚年看紅葉生死在蒼烟認着爐香去瞿童火尚然

其三

花戶當雲闕驛門臨水關何年騎馬客踏斷採芝山
古井沉烟霧空潭洗面頰丘陵一變海一度到人間

其四

洞外一長揖人仙從此分看君如水影要我似溪雲
花氣熏崖戶霞光繞茜裙往來江海上鸞雀莫相聞

穿石

溪上盡穿石欹懸如甕子石底望溪山山山如鏡裏
平平翠疊中一峰天矯起淡與奇相值幽艷忽無比
鬼斧鑿天真刻意出新詭一處幻玲瓏千崖燦花葉
虛空不受雲飛仙無停趾唯有地籟風終古來遊止
時時隨落花飄度秦人水

水心崖

瓘龍負巨山一往冰潭睡春沫與秋瀾洗盡青山蛇
石膚鑑水光逝互發清響轉盼分瘦妍生動各有意
我欲舉鉄網拔出珊瑚翠付與種桃人置之花深地
他時攜枰來石上聊一戲

桃花源和靖節韻

一笑叩烟嵐白雲今幾世桃花不肯流溪水無情逝
竅開混沌區樸散羲黃廢青山一合郵仙家偶來憇
白頭老黃冠繭手事耕藝呵呼隨世習一畝了官稅
岫老鷓鴣斑谿淺琉璃吠日供冠裳臨幸曉菱荷製
緬想紫芝人駮雲幾相請洞府簾堂深雲霞空凜厲
天人一昏旦人間百餘歲宇宙何不有謾勞作聰慧
迂儒飽世情俗腸非境界紛紛辨偽真等爲方內蔽

常聞列子風可以駕烟外長驅入仙林徧覓心所契

桃花流水引

桃源棹返幽思縈懷枕上夢中如有所得命曰
桃花流水引亦仙家竹枝詞也

華陽巾子碧絲環紫府簾前舊押班阿母筵頭爭一
擲醉中輸却小蓬山

其二

袖却紅雲侍紫皇詼諧長是困東方乍來不識天顏
笑只道頻嘘列缺光

其三

路逢簫史不回身風裊芙蓉繡領巾雲裡自然清格
少但憑閨艷作仙人

其四

夜深仙犬吠花關私過雲英與玉環天上看來偷律
重玉桃一顆落人間

其五

掃斷紅霞陌上塵青鸞白鳳集仙真吹笙搗藥皆廝
品要作蓬山罵坐人

其六

闔艸筵前霞作堆花宮無事濫驅雷麻姑向說水清
淺又過扶桑看一回

其七

東海羣兒拜木公腰間常繫鳳凰籠絳裙一舞三山
去驚起扶搖滿翅風

其八

光碧堂前催賜衣少年天女弱腰圍而今花樣新奇
甚不用銀河織錦機

其九

盡到朝元會上來春風坐遍小瓊臺閒聽蔡誕輸龍
女引得諸仙笑似雷

其十

澆盡銀灣水作田全憑奇僻傲諸仙老來猶自耽兒
戲弱水洋中汎鐵船

托龍君超爲覓仙源隱居詩以寄之

雲石村中且卜廬憑君爲買一峯餘全栽芝菊爲疆
界盡寫雲嵐入券書門對仙童澆藥地巷通毛女浣



花渠開中每愛天台去好與劉晨問屋居

林淑言

九